

ՀՀ ԿԳՄՍՆ

<< ԵՐԵՎԱՆԻ ԼԵՈՅԻ ԱՆՎԱՆ Հ. 65 ԱՎԱԳ ԴՊՐՈՑ >> ՊՈԱԿ

ՀԱՆՐԱԿՐԹԱԿԱՆ ՀԻՄՆԱԿԱՆ ԾՐԱԳՐԵՐ ԻՐԱԿԱՆԱՑՆՈՂ  
ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ` ՀԵՐԹԱԿԱՆ ԱՏԵՍԱԿՈՐՄԱՆ  
ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՈՒՄՆԵՐ

## ՀԵՏԱԶՈՏԱԿԱՆ ԱՇԽԱՏԱՆՔ

**Թեմա`** Միջառարկայական կապեր և ընդհանրական  
հասկացություններ, դրանց կիրառությունը  
<<Մայրենի>>,<<Հայոց լեզու>>, <<Գրականություն>> և  
<<Հայ գրականություն>> առարկաների դասերին ,  
ինտեգրված դասերի կազմակերպումը:

**Ուսուցիչ`** Մարջան Մեհրաբյան/ Ավշարի միջնակարգ դպրոց/

**Ղեկավար`** Քրիստինե Աբրահամյան

Երեվան 2022

# Բովանդակություն

1.Ներածություն.....	3
2.Ինտեգրված ուսուցման նպատակները.....	4
3.Ինչ է տալիս միջառարկայական կապերի կիրառումը.....	5
4. Ընդհանրական և խաչվող հասկացություններ.....	6
5. Ինտեգրված դասի պլանավորումը.....	7
6. Միջառարկայական կապերի ապահովումը Մայրենի ,Յ. լեզու, Հայ գրականություն առարկաների դասերին.....	8
7. Եզրակացություն.....	19
8. Գրականության ցանկ.....	20

# 1. Ներածություն

<<Առարկաների միջև եղած կապը երեխաներին սովորեցնում է բացահայտել, ուսումնասիրել աշխարհը և նրա բազմազան երևույթները և, որ ամենակարևորն է, կապ ստեղծել այդ ամենի միջև>>:

Յու. Ա. Կոմենսկի <<Մեծ դիդակտիկա>><sup>1</sup>

Չենց այս առաջնայնությունից ելնելով է գիտամանկավարժության հիմնադիր Կոմենսկին կարևորում ինտեգրված դասերի հիմքում ընկած միջառարկայական կապը: Այսինքն՝ երբ ուսուցումը կատարվում է կապերի միջոցով, ավելի տեսանելի և ընկալելի են դառնում պատճառները, հասկանալի՝ հետևանքները:

Արդի դպրոցի կրթական չափորոշիչները ընձեռում են լայն հնարա- վորություն՝ ինտեգրված ուսուցման շնորհիվ հասնելու համակողմանի վերջնարդյունքի՝ երևույթի ընկալում, գիտակցում, յուրացում, կիրառում և արժևորում, ասել է թե կարողունակությունների զարգացում:

Ինտեգրումը (integer-ամբողջ) լատիներեն բառ է, որ նշանակում է վերականգնում, համալրում, մասերի միավորում մեկ ամբողջի մեջ: Այն մեկ առարկայից գիտելիք է հաղորդում հիմնվելով և փոխկապակցվելով այլ առարկայի կամ առարկաների հետ:

Չամալիր գիտելիքների հաղորդումը խթանում է աշակերտի ճանաչողական գործունեությունը, քննական-վելուծական մտածողությունը, ստեղծագործական միտքը, և վերջնարդյունքում սովորողը կկարողանա համադրել-համեմատել և համակողմանի մոտեցմամբ լուծումներ գտնել: Չայոց լեզվի և գրականության

---

1. Յու. Ա. Կոմենսկի <<Մեծ դիդակտիկա>>

դասերը լայնորեն նպաստում են աշակերտների մոտ լեզվական, մշակութային, ինքնաճանաչողական կարողունակությունների

ձևավորմանը՝ հաճախ փոխկապակցվելով ուսուցանվող մյուս առարկաների հետ:

## 2. Ինտեգրված ուսուցման նպատակները

Ինտեգրված դասը դասի հատուկ տեսակ է, որն իր մեջ ներառում է մեկ հատուկ հասկացության ուսուցման ժամանակ մի քանի առարկաների միաժամանակյա ուսուցում: Այն պահանջում է յուրօրինակ նախապատրաստություն, տարբեր առարկաների մասնագետների ուժերի համատեղում, բազմազանության ներդաշնակում՝ հանուն հետաքրքիր, բովանդակալից և բազմակողմանի գիտելիքներ ապահովող վերջնարդյունքի: Այս առումով կարևորվում են ուսուցման

ա)բովանդակությունը

բ) համագործակցային հմտությունների առկայությունը

գ)կազմակերպելու, հետազոտական հմտություններ դրսևորելու կարողությունը,

դ)Ստեղծագործական մտածողությունը և բացահայտումներ կատարելու

կարողությունը (պատրաստակամությունը):

Ինտեգրված դասերը բացահայտումների, ինքնարտահայտման և

ինքնադրսևորման են մղում նաև ուսուցչին, որը և նպաստում է աշակերտի կատարողունակությունների լիարժեք դրսևորմանը:

ՈՒսումնական ծրագրի ինտեգրման գործընթացին բնորոշ է 4 հիմնական գիծ.

1. Աշակերտը և ուսուցիչը համատեղ պլանավորում են ուս. ծրագիրը և դրա իրագործման կարգը:

2. Ուսումնառության հիմքը թեմաներն են:

3. Ուսումնառությունն ընթանում է ժողովրդավարական սկզբունքով:

4. Ուսումնական ծրագիրը այլևս կազմված չէ առանձին առարկաներից:<sup>2</sup>

Հայոց լեզվի և գրականության դասերի ընթացքում որպես ինտեգրիչ առարկա առաջատարը միշտ մնում են հ. լեզուն և գրականությունը՝ իրենց ուսուցման մեթոդներով և բովանդակությամբ: Չնայած իրենց արդյունավետությանը՝ այսպիսի դասեր ոչ հաճախ են կազմակերպվում՝ ելնելով աշխատանքի ծավալից, բազմատարրությունից, նյութատեխնիկական հնարավորության սղությունից, այլևայլ պատճառներից: Միջնդեռ հենց այս տիպի դասերն են ընդլայնում աշակերտի մտահորիզոնը, ոգեշնչում համեմատության մեջ աշխարհը ճանաչելու և նոր բացահայտումների գնալու մղումով:

Նմանատիպ դասերին կարող են հաջորդել հետաքրքիր և ինքնատիպ նախագծեր:

### 3. Ինչ է տալիս միջառարկայական կապերի կիրառումը

Նոր կրթակարգի հիմնական առանձնահատկություններից է յուրաքանչյուր աշակերտի եզակիության, ինքնատիպության և պահանջմունքների կարևորումը, ուստի այն պետք է լինի ինտեգրող և հետազոտության մղող:

Այս առումով առանձնանում են հատկապես այն դասերը, որոնք ապահովում են միջառարկայական կապերի առկայություն: Այս կապերի կիրառումը

1. զարագացնում է աշակերտների գիտելիքները, հմտությունները և վերաբերմունքը ուսումնասիրվող նյութի հանդեպ,

2. կապ է ստեղծում ուսումնական առարկաների միջև,

---

2. Դավթյան <<Ինտեգրված ուսուցում>> 2007:Էջ 58-59

3. բացահայտում է աշակերտների և ուսուցչի նախաձեռնողականությունը,
4. ապահովում է աշակերտի քննադատական և ստեղծագործական մտածողության զարգացումը,
5. բացի դասգրքերից կիրառվում են նաև այլ աղբյուրներ,
6. ապահովում է գնահատում և ինքնագնահատում,
7. կապ է հաստատում տարբեր հասկացությունների միջև:

## 4. Խաչվող և ընդհանրական հասկացություններ

Ժամանակակից դպրոցի ուսուցիչը առնչվում է հետևյալ խնդիրներին՝ ի՞նչ սովորեցնել, ինչպե՞ս սովորեցնել, ինչու՞ սովորեցնել: Այս առումով առավել կարևորվում են դասավանդման այլազան մեթոդներն ու հնարները, որոնցից են խաչվող կամ ընդհանրական հասկացությունները :

Առանձնացվում են 8 հասկացություններ.

1. Օրինաչափություն
2. Պատճառ և հետևանք
3. Կառուցվածք և գործառույթ
4. Կայունություն և փոփոխություն
5. անհատներ և հարաբերություններ
6. Ժամանակ և տարածություն

7. Անհատական և մշակութային արժեհամակարգ

8. Փոփոխություն և զարգացում:

Այս հասկացությունները հնարավորություն են տալիս

ա) նույն երևույթը հետազոտել տարբեր տեսանկյուններից,

բ) ըմբռնել աշխարհի միասնականությունը և ամբողջականությունը,

գ) զարգացնել վերլուծական միտքը և քննադատական մտածողությունը,

դ) իրականացնել տարբեր նախագծեր,

ե) նպաստել վերջնարդյունքի ապահովմանը:

Սրանք առանցքային գաղափարներ են, որոնք ընդհանրական են տարբեր գիտությունների համար և օգնում են սովորողներին՝ միավորվելու տարբեր առարկաներից ձեռք բերած գիտելիքները:

Անհնար է պլանավորել ինտեգրված դաս՝ առանց կիրառելու այս

հասկացությունները:

## 5. Ինտեգրված դասի պլանավորումը

Միջառարկայական կապ կարելի է ապահովել և՛ ողջ դասի ըն-

թացքում՝ համագործակցելով հարակից առարկայի (առարկաների) ուսուցչի (ուսուցիչների) հետ, և՛ դասի որևէ փուլում՝ նախապես ուսումնասիրելով հարակից նյութը:

Դասը ամեն դեպքում վարում է ուսուցիչը, իսկ համատեղվող առարկայի ուսուցիչը կա՛մ կարող է մասնակից լինել որևէ փուլում (դա, անշուշտ, հետաքրքրություն և աշխուժություն կհաղորդի դասին), կա՛մ կարող է մասնակցել

որպես հյուր: Նման դասերի ժամանակ առավել ակտիվ են աշակերտները՝ որպես անմիջական մասնակից, կատարող և ստեղծագործող: Այս դեպքում սովորելը դառնում է միջոց և ոչ նպատակ:

## 6. Միջառարկայական կապերի ապահովումը մայրենիի, հ. լեզվի և հայ գրականության դասերին

Ժամանակակից դեռահասին հազիվ թե հնարավոր է ինչ-որ բանով զարմացնել, քանի որ իրեն հետաքրքրող ցանկացած նյութ հասանելի է համացանցում: Սակայն ոչ բոլոր դեպքերում է ստացվում գտածը արդյունավետորեն համակարգել՝ ըստ պատճառահետևանքային կապերի, համադրել փաստերը և անել հետևություններ: Նման իրավիճակների լավագույն լուծումը ինտեգրված դասն է, որին ուսուցիչը պետք է պատրաստվի մեծագույն պատասխանատվությամբ, որպեսզի հասնի ակնկալված վերջնարդյունքին:

Իմ աշխատանքային գործունեության ընթացքում բազմիցս եմ համոզվել, որ Հ. լեզվի և Գրահկանության ուսուցիչը մասամբ նաև մաթեմատիկ է և ֆիզիկ, բնագետ և արվեստաբան, պատմագետ և հոգեբան:

Հատկապես գրականության դասերին է հարկ լինում ապահովել միջառարկայական կապ, որը հետաքրքրություն և աշխուժություն է հաղորդում դասին:

Առավել հետաքրքիր են այն դասերը, երբ կան նաև հյուրեր (մասնագետներ), որ հարկ եղած դեպքում նաև դառնում են մասնակից:




Ինտերակտիվ դասի ուսանելի օրինակներ են Մայրենի առարկայից 5-րդ դասարանում <<Հայրենի անտառներ>> (ըստ Մ. Ղուկասյանի) և 6րդ դասարանում <<ՈՒՐ Է կղզյակն Սևանա>>(ըստ Մ. Ղուկասյանի) դասանյութերը:


Երկու դեպքում էլ խմբերին նախապես հանձնարարվել էր մի դեպքում ներկայացնել անտառի անհետացման, իսկ մյուս դեպքում՝ Սևանի ճահճացման հիմնախնդիրները:

Միջառարկայական կապերն ապահովվել էին՝ հրավիրելով մի դեպքում աշխարհագրության և կենսաբանության, մյուս դեպքում քիմիայի և կենսաբանության ուսուցիչների:

Երկու թեմաների ուսումնասիրման ընթացքում էլ կիրառվել է դասի կառուցման նույն մեթոդաբանությունը:

Սկզբում <<Հասկացությունների քարտեզ>> մեթոդով վեր են հանվել անտառին և Սևանա լճին առնչակից հասկացությունները:







2. Վեճի դիագրամով համեմատվել են դասանյութերի հեղինակների և աշակերտների դիտարկումները.

1.

աշակերտներ

հեղինակ







Բարձրացնել ջրի մակարդակը

Սահիկաշարով ներկայացվել են Հայաստանի անապատացման և Սևանի ճահճացման հիմնախնդիրները հրավիրված մասնագետների մեկնաբանությամբ և հիմնավորմամբ:

Այնուհետև <<Ապագայի անիվ>> մեթոդով ներկայացվել են այսօրվա հրատապ խնդիրները, դրանց պատճառները և հետևանքները խաչվող և ընդհանրական հասկացությունների կիրառմամբ:

1.





Վերջում խմբերին առաջարկվել է գրել պաշտոնական նամակներ բնապահպանական կառույցներին, ինչը արվել է մեծագույն ոգևորությամբ և պատասխանատվությամբ: Նամակներն, իհարկե, ուղարկվել են և մնացել անպատասխան:


Արդյունքում կատարվել է ճանաչողական և դաստիարակչական մեծ աշխատանք:

Հայ գրականությունն առարկայից կազմակերպել եմ դաս  $x^F$  դասարանում Գ. Նարեկացու «Մատյան ողբերգության» պոեմն ուսումնասիրելիս:

եկեղեցու հովիվ տեր Դավիթ Սահակյանին: Խմբերին նախապես հանձնարարված է եղել ունենալ մեղք և ապաշխարություն բառերի բացատրությունը և պաստառի վրա՝ Աստծո 10 պատվիրանները:

Ցուցապաստառին՝

2.



Բաց հարցերի օգնությամբ կապ է հաստատվել ժամանակաշրջանի քաղաքական-հասարակական վիճակի և Նարեկացու հարցադրումների միջև՝ ապահովելով միջառարկայական կապ պատմություն և ՀԵՊ առարկաների հետ, որոնցից ունեցած գիտելիքները առավել մոտիվացնող արժեք ունեին: Իսկ հոգևոր հովիվի հետ ծավալվեց խաչաձև հասկացություններով երկխոսություն- բանավեճ մարդու մեղսավոր Էության,



ապաշխարանքի և մաքրագործման ձգտումի, աստվածային կատարելության հասնելու ուղիների, բայց և դրա անհնարինության շուրջ, քանզի մարդն իր էությանմբ մեղսական է, իսկ կատարելության ձգտումը՝ հավերժական:

Դասը կայացած էր, աշակերտները՝ հոգով մաքրված ու մոտիվացված ավելի լավը դառնալու:

Չայ գրականության ամենաբարդ թեման հասկանալի դարձավ՝ շնորհիվ ինտեգրված մոտեցման:

Յ. լեզվի դասաժամերին միշտ չէ, որ հնարավոր է ապահովել միջառարկայական կապ, չնայած այդ կապը մշտապես առկա է:

Ինտեգրման հնարավորությունն ընձեռում է հատկապես բառագիտությունն բաժինը՝ շեշտելով լեզուների առնչակցությունները հնդեվրոպականության շրջանակում:

10-րդ դասարանում Բառակազմությունն թեման ուսումնասիրելիս համեմատում ենք արմատական բառերի ընդհանրությունները հայերենում, ռուսերենում, անգլերենում: Առավել հետաքրքիր է ստացվում Դարձվածքներ թեմայի ուսումնասիրությունը: Նախապես խնդրում են ռուսերենի և անգլերենի մասնագետներին համապատասխան դարձվածքների օրինակներ դուրս բերել գեղարվեստական գրականությունից : Աշակերտներին ևս հանձնարարվում է տրված դարձվածքները մեկնաբանել, պատկերազարդել և գրել մեկ այլ հոմանիշ դարձվածք: Չետո Էկրանին հայտնվում են տվյալ դարձվածքների եռալեզու տարբերակները և մեջբերումներ գեղարվեստական գրականությունից:

Հայերեն	Ռուսերեն	Անգլերեն
1. Ինչպես ձուկը ջրում:	Как рыба в воде.	Like a duke a water.
2. Ծայրը ծայրին հասցնել:	Свободить концы с концами.	Make ands meet.
3. Աչքին թափ փչել:	Пускать пыть в глаза.	Moke and mirrors.
4. Արգելված պտուղ:	Запретный плод.	Forbidden fr

Արդեն կշռադատման փուլում խմբերը հիմնավորում են դարձվածքների առանձնահատկությունները տարբեր լեզուներում:

Մոտիվացիայի արդյունքում խթանվում է աշակերտների հետաքրքրասիրությունը դարձվածքների, լեզուների, աշխարհը համեմատության մեջ բացահայտելու կարողունակությունների դրսևորման հանդեպ:

Այսպիսով՝ ճիշտ նախանշված նպատակների, հանգմանալից պլանավորման և արդյունավետ մեթոդների կիրառման արդյունքում զարգանում են աշակերտների կարողունակությունները, և ապահովվում է ակնկալված վերջնարդյունքը:

## 7. Եզրակացություն

Միջառարկայական կապերով հագեցած դասերը արդյունքում ծառայում են նախանշված նպատակներին.

- Սովորողը ստանում է ամբողջական գիտելիք.
- Ձևավորվում է քննադատական մտածողություն.
- Նպաստում է լեզվական գիտելիքների խորացմանը.
- Դաստիարակվում է պատասխանատվություն, ազնվություն, հարգանք.
- Խորացվում են թվային գիտելիքները.
- Ստացված գիտելիքները կիրառվում են գործնականում:

Այսպիսով՝ միջառարկայական կապերի ապահովումը Հայոց լեզվի և Գրականության ժամերին Էապես նպաստում է սովորողների լեզվական և մշակութային կարողունակությունների զարգացմանը, այլ առարկաների նկատմամբ հետաքրքրության առաջացմանը, առարկաների միջև խաչվող ընդհանրություններ գտնելուն, անհատական դիրքորաշում և արժեհամակարգ ձևավորելուն:

## 8. Գրականության ցանկ

1. Հանրակրթության չափորոշիչ և ծրագրեր 1-12-րդ դասարաններ,
2. Համահայկական գիտաժողովի նյութերի ժողովածու (5րդ կրթական գիտաժողով)
3. Դասագիրք- Մայրենի 5-րդ դաս., Մայրենի 6-րդ դաս., Հ, լեզու 10-րդ դաս., Հայ գրականություն 10-րդ դաս.,
4. Ա. Խաչատրյան <<Ուսուցման արդյունավետ հնարներ>> Երևան 2020,
5. Յու. Ամիրջանյան, Ա. Սահակյան. <<Մանկավարժություն>>
6. Յու. Կոմենսկի <<Մեծ դիդակտիկա>>
7. Դավթյան <<Ինտեգրված ուսուցում>>2007

